



# შირაკი

SHIRAKI

გაეოქმედა 1937 წლიდან  
დედოფლისწყაროს მუნიციპალიტეტის გაზეთი

№ 9 (10.065)  
25-31 მარტი 2023 წელი  
ფასი: 60 თეთრი  
ყოველკვირეული გამოცემა

## 21 მარტი - ქართული ჟურნალისტიკის დღე აღინიშნა

თელავის ტექნოპარკში, ქართული ჟურნალისტიკის დღესთან დაკავშირებით ღონისძიება გაიმართა.

ღონისძიებაზე მონაწილე იყვნენ კახეთის რეგიონში მოქმედი მედიასაშუალებების წარმომადგენლები. მონაწილე აუდიტორიას კახეთის სახელმწიფო რწმუნებულმა, გიორგი ალადაშვილმა მისასალმებელი სიტყვით მიმართა.

**გიორგი ალადაშვილი, კახეთის გუბერნატორი:** „გილოცავთ ქართული ჟურნალისტიკის დღეს და ვისურვებდი, რომ ყოველთვის გაგეშუქებინოთ კარგი და საინტერესო ინფორმაცია. ჟურნალისტიკა ერთ-ერთი სარისკო, მაგრამ ძალიან საინტერესო და საჭირო პროფესიაა. გისურვებთ პროფესიულ წინსვლას და ინფორმაციების ობიექტურად გაშუქებას“.

ნიკოლოზ ჯანიაშვილი, დედოფლისწყაროს მუნიციპალიტეტის მერი: „მე ვარ ბედნიერი, დღეს ამდენ ნაცნობ სახეს რომ ვხვდავ და მაქვს პატივი, კახეთის რეგიონში მოღვაწე ჟურნალისტებს ერთად მოგილოცოთ პროფესიული დღე. დღეს დილით ჩვენი მუნიციპალიტეტის გაზეთი „შირაქის“ რედაქციაში ვიყავი და გაზეთის თანამშრომლებს მივულოცე ეს დღე. იქ გვექონდა საუბარი ე. წ. ვოტჩ დოგის (მოდარაჯე ძალს) შესახებ და აქაც ვიტყვი, რომ მეთვალყურე ზოგჯერ საჭიროა, ცოტა ფხიზლად რომ ვიყოთ და გვექონდეს იმისი განცდა, რაღაცას თუ ისე არ გავაკეთებთ, როგორც საჭიროა, არიან ადამიანები, რომლებიც ამას აუცილებლად დაინახავენ. ეს კი მოდუნების საშუალებას არასდროს გვაძლევს“.

ქართული ჟურნალისტიკის დღისადმი მიძღვნილ ღონისძიებაში კახეთის რეგიონის თვითმმართველობების ხელმძღვანელმა პირებმა, თელავის სახელმწიფო უნივერსიტეტის რექტორმა, პროფესიული კოლეჯის დირექტორმა, დაავადებათა კონტროლის კახეთის რეგიონული სამსახურისა და რეფერალური საავადმყოფოს ხელმძღვანელებმა მიიღეს მონაწილეობა.

„სამართლიანები იყავით, გაბედულები იყავით. ჩვენ ერთად ვიბრძვით და ჩვენი არ არსებობს არც დღე და არც ღამე. მინდა, რომ არასოდეს დაკარგოთ ის გაბედულება, რაც თითოეულ თქვენგანს გააჩნია“-აღნიშნა დაავადებათა კონტროლის კახეთის რეგიონული სამსახურის უფროსმა ნელი ხიზანიშვილმა.

შალვა ჭკადუა, თელავის იაკობ გოგებავის სახელობის უნივერსიტეტის რექტორი-„ყველამ ვიცით, რაოდენ დიდი მნიშვნელობა აქვს ობიექტურად გაშუქებულ ინფორმაციას. არა მარტო მიმდინარე პროცესებისთვის, არამედ მომავალი



თაობისთვისაც“.

უნივერსიტეტის პროფესორმა, თენგიზ სიმაშვილმა ქართული ჟურნალისტიკის შესახებ დეტალური პრეზენტაცია წარუდგინა აუდიტორიას.

თენგიზ სიმაშვილი: „ჟურნალისტები დგანან საკანონმდებლო, აღმასრულებელი და სასამართლო ხელისუფლების გვერდით, რადგან მათ საკმაოდ დიდი გავლენა აქვთ საზოგადოებაზე. ჩემთვის უცხო არ არის თქვენი სფერო, მე წლების განმავლობაში აქტიურად ვიყავი ჩაბმული ჟურნალისტიკაში და გადაცემებიც მიმყავდა. ეს კვლევა, რომელსაც დღეს წარმოგიდგენთ, არ მომიზადებია დღევანდელი დღისათვის. ამ მასალების მოძიებაზე წლების განმავლობაში ვშუაობდი და ვიკვლევდი კახეთის რეგიონში მოღვაწე ჟურნალისტებს, რომელთაც საფუძველი ჩაუყარეს ჟურნალისტიკას და კახეთის ამბებს აშუქებდნენ მაშინდელ რესპუბლიკურ პრესაში-ივერიაში, დროებასა თუ სხვა გაზეთებში“.

ღონისძიების დასასრულს მედიის წარმომადგენლებს კახეთის გუბერნატორმა მუნიციპალიტეტების ხელმძღვანელებთან ერთად სიმბოლური საჩუქრები გადასცა.

მედიას მეოთხე ხელისუფლებასაც კი უწოდებენ, რომლის ერთ-ერთი მთავარი ფუნქცია ხელისუფლების სამი შტოს - საკანონმდებლო, აღმასრულებელი და სასამართლო - საქმიანობის მეთვალყურეობა და კონტროლია. ეს ფუნქცია ინგლისური სიტყვა Watchdog-იდან მომდინარეობს, რაც „მოდარაჯე ძალს“ ნიშნავს. მედია ხელისუფლების საქმიანობას და გზავნილებს სკეპტიკური პოზიციიდან აფასებს და მის ანგარიშვალდებულებასა და გამჭვირვალობას უზრუნველყოფს.

\*\*\*

დედოფლისწყაროს მუნიციპალიტეტის მერმა ნიკოლოზ ჯანიაშვილმა და მუნიციპალიტეტის საკრებულოს თავმჯდომარემ ნუგზარ პაპიაშვილმა გაზეთი „შირაქის“ თანამშრომლებს ქართული ჟურნალისტიკის დღე მიულოცეს და სიმბოლური საჩუქრები გადასცეს.

ქართული ჟურნალისტიკის დღე 1993 წლიდან აღინიშნება და პირველი ქართული გაზეთის გამოცემას უკავშირდება. „საქართველოს გაზეთი“ 1819 წლის 21 მარტს გამოიცა და 1821 წლის ბოლომდე იარსება.

ინგა შიოლაშვილი



## ჟურნალისტიკის დღე და გაზეთის 200 წლიანი ისტორია

ქართული ჟურნალისტიკის დღე აღინიშნა დედოფლისწყაროს ცენტრალურ ბიბლიოთეკაში და ასევე სოფლების ზემო მანჩხანის, მირზანის, ზემო ქედისა და ოზანის სასოფლო ბიბლიოთეკებში. ქალაქ დედოფლისწყაროს საბავშვო ბიბლიოთეკის აქტიური მკითხველები გაზეთი „შირაქის“ ძველ და ახალ ნომრებს გაეცნენ და მათთვის საინტერესო სტატიები ამოიკითხეს.

ბიბლიოთეკებში კიდევ ერთხელ აღინიშნა, რომ დედოფლისწყარო იმ გამონაკლის მუნიციპალიტეტებს შორისაა, სადაც ადგილობრივი გაზეთი უწყვეტად

გამოიცემა და დღემდე მოქმედებს. საბჭოთა წლებში რაიონული გაზეთი ყველა მუნიციპალიტეტს ჰქონდა, თუმცა სტამბების გაუქმების შემდეგ მხოლოდ რამდენიმე შემორჩა, რომელიც ისევ მოქმედებს. როგორც ბავშვებმა აღნიშნეს, „შირაქი“ იმითაც გამოირჩევა, რომ მწველია რაიონის ისტორიის ინახავს.

როგორც ზემო მანჩხანის ბიბლიოთეკარმა **ვიქტორია კოპლიკიშვილმა** გაზეთი „შირაქს“ განუცხადა, დაბალი კლასის მოსწავლეები, რომელთათვისაც უცხოა გაზეთი, ბეჭდური მედიის როლს და დედოფლისწყაროში

მოქმედი გაზეთის ისტორიას გაეცნენ.

„ჟურნალისტიკის როლზე ვისაუბრეთ, ასევე თუ სამომავლოდ ჟურნალისტიკის პროფესიას აირჩევნებ, პროფესიის თავისებურებები გავაცანით. ავუსხვინთ, რომ გაზეთი „შირაქის“ ახალი ნომრები ყოველკვირეულად შემოდის ბიბლიოთეკაში და სურვილის შემთხვევაში საშუალება აქვთ გაეცნონ დედოფლისწყაროს სიახლეებს. ეს ის თაობაა

ილია მარტყოფიშვილი





### ირაკლი ღარიბაშვილი - დიას, სააკაშვილის ჩამოსვლის მიზანი იყო ნიადაგის მოზარდა საქართველოში ომის დასაწყებად

პრემიერ-მინისტრ ირაკლი ღარიბაშვილის განცხადებით, საქართველოში ექსპრეზიდენტ მიხეილ სააკაშვილის დაბრუნების მიზანი რეგულაციის მოწყობა, სისხლისღვრა და ხელისუფლების ძალადობრივი გზით დაშობა იყო. როგორც მან პარლამენტში, ე.წ. ინტერპელაციის წესით მოსმენისას აღნიშნა, მიხეილ სააკაშვილს ეს გეგმა ჩაუვარდა და შიდა დაგარე მტრებმა წააგეს.

„უკანონოდ შემოსული და შემოპარული ყოფილი პრეზიდენტის, მიხეილ სააკაშვილის ერთადერთი მიზანი იყო საქართველოში ე.წ. მეორე რევოლუციის მოხდენა, მისი მიაბიტური გათვლებით. აქ უნდა მომხდარიყო რევოლუცია, სისხლისღვრა, ხელისუფლების ძალადობრივი გზით დაშობა, არჩევნების ჩაშლა. ეს პერიოდი ემთხვევა ზუსტად იმ პერიოდს, როცა ჩვენ ძალიან კარგად გვახსოვს, საუბრები უკვე დაწყებული იყო და ჩვენ სხვა ინფორმაციებიც გავაჩნდა

ჩვენი პარტნიორებისგანაც, რომ მოსალოდნელი უყო უკრაინაში ომის დაწყება ნოემბერში, ან დეკემბერში, რომელმაც რამდენიმე თვით გადაინია რუსეთ-დასავლეთის შორის მიმდინარე კომუნიკაციის გამო. ეს პერიოდი პირდაპირ ემთხვევა სააკაშვილის შემოსვლას და მის განზრახვას, რომ მოეხდინა ხელისუფლების დაშობა, გადატრიალება და რევოლუცია. ამას თუ დაუკავშირებთ რამდენიმე თვის შემდეგ უკრაინის ხელისუფლების გაცხადებულ მიზანს, მათ ქმედებებს, რომ მათი ამოცანა იყო სწორედ საქართველოში „მეორე ფრონტის“ გახსნა, ვფიქრობ, არცერთ გონიერ ადამიანს კითხვა აღარ დარჩება, რომ დიას, სააკაშვილის ჩამოსვლის მიზანი იყო ნიადაგის მომზადება იმისთვის, რომ საქართველოში ომი დაწყებულიყო. რა თქმა უნდა, ეს გეგმა ჩაუვარდა, ჩვენმა შიდა და გარე მტრებმა წააგეს“, - განაცხადა ღარიბაშვილმა.

### მესაზღვრეებს პროფესიული დღე მიულოცეს!

დედოფლისწყაროს მუნიციპალიტეტის მერმა ნიკოლოზ ჯანიაშვილმა და საკრებულოს თავმჯდომარე ნუგზარ პაპიაშვილმა საქართველოს შსს სასაზღვრო პოლიციის სახმელეთო საზღვრის დაცვის დეპარტამენტის დედოფლისწყაროს სამმართველოს მესაზღვრეებს პროფესიული დღე მიულოცეს, ქვეყნის სახელმწიფო საზღვრის დასაცავად გაწეული სამსახურისთვის მადლობა გადაუხადეს და პროფესიული წარმატებები უსურვეს. 21 მარტს მესაზღვრის დღე საქართველოში 1999 წლიდან აღინიშნება, რომელიც პრეზიდენტ ელუარდ შევარდნაძის მიერ დაარსდა.



### დოკაში ქართული პროდუქცია გამოიწინა, მათ შორის დედოფლისწყაროდან

გარემოს დაცვისა და სოფლის მეურნეობის მინისტრი ოთარ შამუგია, კატარის დედაქალაქ დოჰაში, საერთაშორისო აგროგამოფენის „Agriteq 2023“ გახსნის ღონისძიებას დაესწრო. საქართველოს სტენდი კატარის ტრანსპორტის მინისტრმა, კომერციისა და ინდუსტრიის მინისტრმა, მუნიციპალიტეტების მინისტრმა, გარემოსა და კლიმატის ცვლილების მინისტრმა, კატარის ტურიზმის საბჭოსა და ავიანაზების პრეზიდენტმა და სხვადასხვა ქვეყნის ელჩებმა დაათვალიერეს.

საქართველოს გარემოს დაცვისა და სოფლის მეურნეობის სამინისტროს მხარდაჭერით და კატარის სახელმწიფოში საქართველოს საელჩოს ორგანიზებით, საერთაშორისო გამოფენაზე „Agriteq 2023“ საქართველოს სტენდზე 14 ქართული კომპანია წარმოდგენილი, რომლებმაც დამთვალიერებელს საკუთარი წარმოების სასოფლო-სამეურნეო პროდუქცია გააცნეს. მათ შორის გამოიწინა დედოფლისწყაროში მოქმედი „აგროქიზიის“ საწარმოს პროდუქცია.

„გამოფენაზე ქართული ხორცი მხოლოდ ჩვენ გვექონდა წარმოდგენილი, რამდენიმე წელია ყაბარში ცოცხალი ცხვრის შეყვანასაც ვახდენთ,“ - უთხრა „მირაქს“ ბაჰა ბონაშვილმა.

სტენდზე წარმოდგენილი იყო ქართული კაკალი, მოცვი, ხალო, მშრალი და სუბლიმირებული ხილი, შეცივებული ცხვრის ხორცი, თაფლი, ორგანული ნვენები. პროდუქცია სრულად აკმაყოფილებს საერთაშორისო სტანდარტებს. გამოფენის მონაწილე ქართული კომპა-

ნიების უმეტესობა სოფლის განვითარების სააგენტოს სახელმწიფო პროგრამების ბენეფიციარია.

„საქართველოსა და გალფის ქვეყნებს საჯარო ურთიერთობის განვითარებას მნიშვნელოვანი პოტენციალი აქვს, რაც აუცილებლად უნდა განვითარდეს და, შესაბამისად, გაიზარდოს ორ ქვეყანას შორის საჯარო ბრუნვა. ქართული პროდუქციის საერთაშორისო ბაზრებზე დამკვიდრება ჩვენი პოლიტიკის პრიორიტეტია. ჩვენი მიზანია, მაქსიმალურად გავზარდოთ ქართული აგროპროდუქციის ცნობადობა მსოფლიო ბაზარზე, გავხადოთ ის მოთხოვნადი, რაც, თავის მხრივ, შესაძლებელს გახდის, სტაბილურად მზარდი იყოს ექსპორტის მაჩვენებლები. აღსანიშნავია, რომ, ბოლო წლების განმავლობაში, გალფის ქვეყნებში ქართულ სასოფლო-სამეურნეო პროდუქციას ინტერესი მზარდია. შესაბამისად, მნიშვნელოვანია, რომ, ჩვენი ფერმერების მხარდასაჭერად, მსგავსი ღონისძიებები აქტიურად გაგრძელდეს“, - განაცხადა ოთარ შამუგიამ.

„Agriteq“ ყურის რეგიონში ერთ-ერთი ყველაზე მასშტაბური საერთაშორისო გამოფენაა, რომელსაც მრავალი ათასი ვიზიტორი ჰყავს. წელს გამოფენაში მონაწილეობას 52 ქვეყანა და სოფლის მეურნეობის სექტორში მოქმედი 650-ზე მეტი ადგილობრივი და საერთაშორისო კომპანია იღებს. გამოფენაში, რომელსაც 20 ათასამდე დამთვალიერებელი ჰყავს, მონაწილეობა მნიშვნელოვანი შესაძლებლობაა კატარსა და, ზოგადად, ყურის რეგიონში ქართული პროდუქციის პოპულარიზაციის და ექსპორტის ზრდის ხელშეწყობისთვის.

გარემოს დაცვისა და სოფლის მეურნეობის მინისტრმა ოთარ შამუგიამ, ქართული დელეგაციის წევრებთან ერთად, სხვადასხვა ქვეყნის, მათ შორის კატარის სახელმწიფოს სტენდები დაათვალიერა და ოფიციალურ პირებს შეხვდა.

გამოფენის გახსნის ღონისძიებას, მინისტრ ოთარ შამუგიასთან ერთად, საქართველოს საგანგებო და სრულუფლებიანი ელჩი კატარის სახელმწიფოში ნიკოლოზ რევაზიშვილი და სოფლის განვითარების სააგენტოს დირექტორი დავით ნითლიძე ესწრებოდნენ.



### საქართველოს განათლების სფეროს ახალი მინისტრი ჰყავს

განათლებისა და მეცნიერების მინისტრად გიორგი ამილახვარი თავად საქართველოს პრემიერ-მინისტრმა, ირაკლი ღარიბაშვილმა წარადგინა.

„ბატონი გიორგი ამილახვარი არის ძალიან წარმატებული ადამიანი. მე მინდა გითხრა, რომ მას აქვს ძალიან კარგი, ლირსული განათლება მიღებული. იგი სწავლობდა ამერიკის შეერთებულ შტატებში, შემდეგ გერმანიაში. მინიჭებული აქვს სამართლის დოქტორის ხარისხი. არის ასოცირებული პროცესორი. აქვე მინდა აღვნიშნო, რომ ბატონ გიორგის აქვს წარმატებული მუშაობის გამოცდილება, იგი გახლავთ ერთ-ერთი ძალიან წარმატებული უნივერსიტეტის დამფუძნებელი. მისი რექტორობის პერიოდში ამ უნივერსიტეტმა ძალიან ბევრ წარმატებას მიაღწია. ეს არის ერთ-ერთი მართლა ძალიან კარგი მაგალითი იმისა, თუ როგორ უნდა შექმნას ახალგაზრდა მოტივირებული ადამიანმა თანამედროვე, ევროპული, დასავლური ხარისხის უნივერსიტეტი. სწორედ ასეთი უნივერსიტეტის შემქმნელი გახლავთ ბატონი გიორგი.

აქვე მინდა აღვნიშნო, რომ დღემდე ბატონი გიორგი წარმატებით ხელმძღვანელობდა პარლამენტის განათლებისა და მეცნიერების კომიტეტს. მას უკავშირდება არა ერთი მნიშვნელოვანი ინიციატივა. ბატონი გიორგი წლებია უკვე ჩართულია განათლების სფეროში. იგი ძალიან კარგად იცნობს ზოგადად განათლების ყველა საფეხურზე არსებულ ვითარებას, გამოწვევებს, რომელიც ჯერ კიდევ რჩება განათლების სისტემაში და მე მჯერა, დარწმუნებული ვარ, რომ ბატონი გიორგი იქნება განათლებისა და მეცნიერების წარმატებული მინისტრი. ჩვენ ბევრი გვიწავრება ბოლო ორი წლის განმავლობაში განათლების საკითხებზე. მან ძალიან კარგად იცის, როგორ უნდა მოგვარდეს ჯერ კიდევ არსებული პრობლემები და ვფიქრობ, რომ ბატონი გიორგი წარმატებული მინისტრი იქნება. ამავედროულად, მინდა ვთქვა, რომ გიორგი ამილახვარს აქვს ძალიან ბევრი სამეცნიერო ნაშრომი გამოქვეყნებული. მონოგრაფია ქართულ და ინგლისურ ენებზე. იგი პარალელურად აკადემიურ საქმიანობას ეწეოდა. ჩვენ გვჭირდება კარგი მენეჯერები, დარგის მენეჯერები. მინდა კიდევ ერთხელ წარმატება ვუსურვო გიორგი ამილახვარს და მადლობა ვუთხრა ჩვენს ყოფილ მინისტრს, მიხეილ ჩხეკელს,“ - განაცხადა ღარიბაშვილმა.

ცნობისთვის, გიორგი ამილახვარი ამ დრომდე პარლამენტის განათლებისა და მეცნიერების კომიტეტის თავმჯდომარის თანამდებობას იკავებდა, მიხეილ ჩხეკელი კი განათლებისა და მეცნიერების მინისტრად 2019 წლის ნოემბერში დაინიშნა. აღსანიშნავია ისიც, რომ მიხეილ ჩხეკელს განათლების მინისტრის პოსტი მანამდეც, 2017 წელსაც ეკავა, თუმცა მხოლოდ 8 თვის განმავლობაში.

გიორგი ამილახვარის განცხადებით, მუშაობის საკუთარ ხედვას პრემიერ-მი-

### „საქართველოს მოსახლეობის ადგილი ევროკავშირში“

„ჩვენ გვინდა ვნახოთ საქართველო ევროკავშირში, გვინდა ქართველებმა გაამდიდრონ ევროკავშირი“, - ამის შესახებ გერმანიის საგარეო საქმეთა მინისტრმა, ანალენა ბერბოქმა საქართველოს საგარეო საქმეთა მინისტრთან შეხვედრის შემდეგ, ერთობლივ ბრიფინგზე განაცხადა. როგორც მინისტრმა აღნიშნა, საქართველოს ჰყავს მეგობრები ბრიუსელსა და ბერლინში, ვისი იმედიც შეიძლება გვექონდეს.

„დიდი მადლობა ამ მეგობრული მიღებისთვის თბილისში. გერმანიაში უდიდესი ინტერესია საქართველოს, ადამიანების, ისტორიის, საოცარი ბუნების და სამზარეულოს მიმართ. ინტერესი ვლინდება საქართველოში ჩამოსვლის მსურველი გერმანელი ტურისტების რაოდენობის ზრდაში - იმ ადამიანების რაოდენობა იზრდება, ვისაც საქართველოში ტურისტად ჩამოსვლა უნდა. ადამიანებისთვის, ხინკალი და ხაჭაპური აღარ არის უცხო სიტყვა, მიუხედავად იმისა, რომ მათი წარმოქმნა არ არის მარტივი, მათ შორის, ჩემთვისაც. ეს არის ანეკდოტი გერმანული პრესისთვის.

გუშინ ვნახე არაჩვეულებრივი ქალაქი თბილისი, არაჩვეულებრივი არქიტექტურით, სადაც გერმანული არქიტექტურა მინაურია. ეს უკავშირდება ორმხრივ ურთიერთობას. ინტერესი საქართველოს მიმართ იმგვარად ვლინდება, რომ ჩვენ, გერმანიაში, გასული კვირების განმავლობაში ინტენსიურად ვაკვირდებოდით



ნისტრს უახლოეს პერიოდში წარუდგენს. ამის შესახებ მან მინისტრად წარდგენის შემდეგ აღნიშნა. „სოციალური და ფინანსური მხარდაჭერის მექანიზმებს შევთავაზებთ ყველა იმ მოტივირებულ, წარჩინებულ და წარმატებულ სტუდენტს, ვისაც აქვს მაღალი აკადემიური მოსწრება და ხელს შეუწყობთ განათლების პროცესის კარგად შესრულებისთვის. აუცილებლად აქტიურად მხარს დაუჭერთ უმაღლეს და პროფესიულ განათლებაში ერთობლივ, ორმაგი პროგრამების განხორციელებას და დანერგვას ჩვენს ევროპულ და დასავლურ, უცხოურ უნივერსიტეტებთან ერთად, ვინაიდან მიგვაჩნია, რომ დღეს განათლებას არ აქვს საზღვრები. ასევე, მიგვაჩნია, რომ უფრო აქტიურად და ფართოდ უნდა გავალოთ კარი ევროპული და დასავლური განათლების შემოსაშვებად საქართველოში.

პროფესიული განათლება, ჩემი მინისტრობის პერიოდში, გამოცხადდება პრიორიტეტულ მიმართულებად და უახლოეს პერიოდში, ჩვენ შემოგთავაზებთ იმ კონკრეტულ ხედვას, თუ როგორ ვაპირებთ ამ დარგის გარდაქმნას და რა კონკრეტულ და იოლი ფორმების მექანიზმებს შევთავაზებთ დამსაქმებელს პროფესიულ განათლებაში ჩართულობისთვის.

გასული წლების განმავლობაში მიღწეულმა შედეგებმა უკვე მოგვცა შესაძლებლობა, რომ ჩვენ აქტიურად ვიმუშაოთ და საქართველო ჩამოყვალბოთ რეგიონში განათლების მიზიდულობის კერად. მოვიზიდოთ მეტი უცხოელი სტუდენტი და პროფესორი საქართველოში, რაც პირდაპირ უდრის ჩვენი განათლების ხარისხის ზრდას და პირდაპირ ინვესტიციას განათლებაში.

და ბოლოს, ამ და ყველა სხვა დანარჩენ საკითხებზე, რომელიც უამრავია, უახლოეს მომავალში, პრემიერ-მინისტრს ჩვენ წარვუდგენთ ჩვენს ხედვასა და გეგმას და საზოგადოებას საჯაროდ გავაცნობთ იმ კონკრეტულ, დროში განერილ გეგმას, რომელიც ამ და სხვა საკითხებს შეეხება“, - განაცხადა ამილახვარმა.

თქვენს ქვეყანაში მიმდინარე პროცესებს, რაც ხდებოდა „უცხოური აგენტების“ კანონპროექტთან დაკავშირებით. ევროპული დროშები ფრიალებდა. დიდი შთაბეჭდილების ქვეშ ვიყავი, რომ თბილისის ქუჩებში გამოდიოდნენ ქალები და მამაკაცები, რომლებიც ევროპულ დროშას აფრიალებდნენ. ეს ყველაფერი ხელს უწყობდა სამოქალაქო საზოგადოების განვითარებას. ჩვენი გამოცდილება ევროპაში არის ძლიერი სამოქალაქო საზოგადოება, ეს არის არამხოლოდ შანსი, არამედ ევროპული ღირებულებების რწმენა. ასევე, არის სტიმული. ძლიერი სამოქალაქო საზოგადოებით შეიძლება იამაყო. საქართველო არის ევროკავშირი. ამაში დავარწმუნა არა გასულმა კვირებმა, არამედ გასულმა წელმა. ადამიანების, საქართველოს მოსახლეობის ადგილი ევროკავშირშია. ამიტომ, საქართველოში ჩამოვედით კონკრეტული გზავნილით. ჩვენ გვინდა ვნახოთ, საქართველო ევროკავშირში, გვინდა ქართველებმა გაამდიდრონ ევროკავშირი. ჩვენ მხარს დაგიჭერთ ამ გზაზე. თქვენ გყავთ მეგობრები ბრიუსელსა და ბერლინში, ვისი იმედიც შეიძლება გქონდეთ. გულწრფელად დაგიჭერენ მხარს ევროკავშირში განხორციელების გზაზე. მნიშვნელოვანია, რომ ეს გზა ერთობლივად, გულწრფელად გავიაროთ“, - აღნიშნავს გერმანიის საგარეო საქმეთა მინისტრი.

# "ჩვენთან ერთად და არა ჩვენთვის"

21 მარტი დაუნის სინდრომის მსოფლიო დღედ, გაერთიანებული ერების ორგანიზაციის ეგიდით 2011 წლის 10 ნოემბერს დაწესდა. სტატისტიკური მონაცემებით, მსოფლიოში 600-800 ახალშობილიდან, ერთი დაუნის სინდრომით იბადება. ამ სინდრომის მქონე ბავშვი, შესაძლებელია ნებისმიერ ადამიანს გაუჩნდეს. ის არც მეკვიდრებითა და არც გადამდები. სინდრომი გოგონებსა და ბიჭებში, ერთნაირი სიხშირით ვლინდება.

დაუნის სინდრომი ადამიანის გენეტიკური მდგომარეობაა, როდესაც ყველა უჯრედში 46 ქრომოსომის ნაცვლად, 47 ქრომოსომაა. ეს მისი ბუნებრივი მდგომარეობაა, აქედან გამომდინარე, დაუნის სინდრომი დაავადება არ არის. 2006 წლის 21 მარტს, პირველად აღინიშნა დაუნის სინდრომის მქონე პირთა საერთაშორისო დღე. დღე და თვე შემთხვევით არ აურჩევიათ, 21-ე ქრომოსომას აღნიშნავს თარიღი, ხოლო მარტი, როგორც წელიწადის მესამე თვე ტრისომიულ მოვლენას.

მსოფლიოს მრავალ ქვეყანაში ამ დღეს, დაუნის სინდრომის შესახებ ცნობადობის ამაღლების მიზნით სხვადასხვა ღონისძიებები იმართება, მათ რიცხვშია საქართველოც. ღონისძიებების მიზანია დაუნის სინდრომის მქონე ადამიანთა ღირსების, უფლებების დაცვა და კეთილდღეობის უზრუნველყოფა. დაუნის სინდრომის საერთაშორისო დღის მიზანია, საზოგადოებას მიენიღოს ინფორმაცია სინდრომის შესახებ, მოხდეს მათი უფლებების დაცვა და მონაწილეობა აქტიურ ცხოვრებაში.

## რაგონი ზრალი წინდა?

წინდა ქრომოსომას ჰგავს. ჭრელმა წინდებმა მსოფლიოს მასშტაბით არაერთ ადამიანამდე მიიტანა ინფორმაცია დაუნის სინდრომის, 21-ე ქრომოსომული წყვილის ტრისომიის შესახებ. 2013 წელს დაუნის სინდრომის საერთაშორისო ორგანიზაციის ინიციატივით, „უთვალავი წინდა“ (LOTS OF SOCKS) ტრადიცია დამკვიდრდა. ის მასობრივი სოლიდარობის ორიგინალურად გამოხატვას ისახავს მიზნად.

სწორედ ამ დღესთან დაკავშირებით, დედოფლისწყაროს ადგილობრივი თვითმმართველობის მხარდაჭერით, ქ. დედოფლისწყაროს კულტურის სახლში ღონისძიება ჩატარდა, რომელსაც მუნიციპალიტეტის მერი ნიკოლოზ ჯანიაშვილი, საკრებულოს თავმჯდომარის მოადგილე



გობრობთ თქვენთან და სწორედ ამიტომ, ამ დღეს გიძღვრით თქვენ“ - აღნიშნა ღონისძიების წამყვანმა და კულტურისა და ძეგლთა დაცვის ცენტრთან არსებული საბავშვო სტუდიის „ცეროდენას“ ხელმძღვანელმა.

„დღეს დაუნის სინდრომის საერთაშორისო დღე აღინიშნება. ჩვენმა პატარებმა ამ დღეს ღონისძიება მიუძღვნეს. მინდა ყველას მადლობა გადავუხადო, რომ გვახარებს ჩვენი პატარა მეგობრები. ასეთი ანგელოზები, ასეთ დღესასწაულს რომ აწყობენ, ეს არის თქვენი, პედაგოგებისა და მშობლების ძალიან დიდი დამსახურება. მიხარია და ამაყი ვარ, რომ ასეთი კარგი დედოფლისწყაროელი ბავშვები გვყავს. კიდევ ერთხელ აუცილებლად უნდა აღვნიშნოთ და ვთქვათ, რომ - მეგობრები არ ითვლიან ქრომოსომებს“ - აღნიშნა ნიკოლოზ ჯანიაშვილმა.



გოჩა სამუკაშვილი, მერიის კულტურის სამსახურის უფროსი თამარ თამაზაშვილი და კულტურისა და ძეგლთა დაცვის უფროსი მამუკა ყავრელიშვილი ესწრებოდნენ. კულტურის სახლის პოლში, დაუნის სინდრომის მქონე გოგონებს - ლანა თეთრაძესა და ნინი მჭედელიძეს, უღამაზესი ღონისძიებით დახვდნენ ბავშვთა ხელოვნების სტუდია „ცეროდენას“ (ხელმძღვანელები - ნინო ლოლაშვილი, ხათუნა ცისკარაული), თანამედროვე და ევროპული ცეკვების სტუდია „ვარსკვლავები“ (ხელმძღვანელი: ნათია ცინცაძე) და ვოკალური ჯგუფის „ედელვაისის“ (ხელმძღვანელი: ნინო ნიკვაშვილი) პატარა თაობის აღსაზრდელები.

„ლანა და ნინი, ძალიან გვიყვარხართ. ნებისმიერ დროს შეგიძლიათ ჩვენს სტუდიაში მოსვლა, რეპეტიციებზე დასწრება, ღონისძიებებში მონაწილეობა. ჩვენ ვმე-

წლებიანი კამპანიის სლოგანია „ჩვენთან ერთად და არა ჩვენთვის“, რომლის ინიციატორი ორგანიზაცია „შპს შვილებია“. მისი მიზანია საზოგადოებაში გაავრცელოს დაუნის სინდრომის მქონე პირების კონკრეტული გზავნილები:

- ჩვენ გვსურს თქვენთან ერთად ცხოვრების გაზიარება;
- ჩვენ ვართ განსაკუთრებული უნარების მქონე პირები და არა შეცოდების ობიექტები;
- ჩვენ შეგიძლია ვიყოთ სასარგებლო ერთმანეთისთვის!

შეხვედრის დასასრულს მერმა ნინი და ლანას სიმბოლური საჩუქრები გადასცა და ღონისძიების ორგანიზატორებთან, მონაწილეებთან და მშობლებთან ერთად სამახსოვრო ფოტოებიც გადაიღო.

# მეგობრები არ ითვლიან ქრომოსომებს!

21 მარტს დედოფლისწყაროს პირველი საჯარო სკოლის III-ა კლასმა ჩაატარა დაუნის სინდრომის საერთაშორისო დღისადმი მიძღვნილი აქტივობები, რომელიც ემსახურებოდა მოსწავლეთა ცნობიერების ამაღლებას დაუნის სინდრომთან დაკავშირებით.

დისკუსიის შედეგად მოსწავლეებმა კიდევ ერთხელ აღნიშნეს, რომ „მეგობრები არ ითვლიან ქრომოსომებს!“. მათ დაამზადეს პოსტერები და გააკეთეს პრეზენტაცია. ეს ყველაფერი საჭირო და საინტერესო აღმოჩნდა მესამეკლასელებისთვის. მოსწავლეები მოქმედებდნენ დევიზით: „ჩვენთან და




არა ჩვენთვის!“ (დამრიგებელი: ქეთევან დავითაშვილი)

დაუნის სინდრომის საერთაშორისო დღის აღნიშვნას შეუერთდა ა(ა)იპ წმინდა მეფე ვახტანგ გორგასლის სახელობის სკოლა ინტერნატი. სკოლაში ცნობიერების ამაღლების მიზნით ჩატარდა დაუნის სინდრომის დღისადმი მიძღვნილი აქტივობა ლოზუნგით „ისინი ჩვენი მეგობრები არიან! მეგობრები არ ითვლიან ქრომოსომებს“. მონაწილეობა მიიღეს მეორე, მესამე, მეხუთე და მეექვსე კლასის მოსწავლეებმა.

21 მარტს, დაუნის სინდრომის საერთაშორისო დღეს, სსიპ ქ. დედოფლისწყაროს N2 საჯარო სკოლაში სპეციალური მოსწავლეების - ირინა ფიროსმანაშვილის ორგანიზებით შედგა შეხვედრა ცნობიერების ამაღ-

ლების მიზნით, რომელსაც ესწრებოდნენ: სკოლის დირექტორი - ლალი იაკობიშვილი/ჩერქეზიშვილი, დირექტორის მოადგილე - ნათია პოპიაშვილი, მასწავლებლები, მოსწავლეები და მშობლები. მე-8 კლასის მოსწავლეებმა სალომე ჩხაიძემ და ანელი ნარუსიშვილმა წარმოადგინეს პრეზენტაციები დაუნის სინდრომის შესახებ, შედგა ვიდეო ჩვენება. დღევანდელი კამპანიის გზავნილი და სურვილები მონაწილეებმა გამოხატეს როგორც ვერბალურად, ასევე წერილობით.

„ჩვენ, მეორე სკოლელები, არ ვითვლით ქრომოსომებს! ყველას ვიღებთ ისეთს, როგორც არის. გავუფერადოთ ერთმანეთს დღეები! ულევნი წარმატებები ჩვენს საყვარელ ლანას!“ - აღნიშნულია სკოლის მიერ გავრცე-



ლებულ ინფორმაციაში.

სამოქალაქო კლუბ „ხორნაბუჯის“ და მოსწავლეთა თვითმმართველობის მიერ დაუნის სინდრომის საერთაშორისო დღესთან დაკავშირებული ინიციატივა, „ჩვენთან ერთად და არა ჩვენთვის“, დედოფლისწყაროში ბავშვთა და მოზარდთა აბილიტაცია/რეაბილიტაციის ცენტრ „მზე“-ში განხორციელდა, რომელიც USAID-ის სამოქალაქო განათლების პროგრამის ფარგლებში შემუშავდა.

გვერდი მოამზადა  
შუშუნა ყანაშვილი









# „გამოაფხულდეს, ნებავი ძალი...“

23 მარტს, სამრეკლოს კულტურის სახლში, გაზაფხულის დღეებთან დაკავშირებული კვირეულის ფარგლებში კიდევ ერთი ღონისძიება გაიმართა. ღონისძიებას დედოფლისწყაროს კულტურისა და ძეგლთა დაცვის უფროსი მამუკა ყავრელიშვილი, მერიის განათლების, კულტურის, სპორტისა და ძეგლთა დაცვის სამსახურის უფროსი თამარ თამაზაშვილი, მედიისა და საზოგადოების სხვადასხვა სფეროს წარმომადგენლები ესწრებოდნენ.

ღონისძიებაზე, თითქმის ყველა გამომსვლელი დებიუტანტი გახლდათ. დამსწრე საზოგადოების წინაშე მცირე სასცენო დადგმებით წარსდგნენ სამრეკლოს საბავშვო ბაღის აღსაზრდელები. მხატვრული ნომრები შესთავაზეს კულტურის სახლის აღსაზრდელებმა: თეკლა ნიკლაურმა, თაზო ნიკლაურმა, თეკლა გაბიადაურმა, მარიამ ჭუჭულაშვილმა და ანა ბოსტოლანაშვილმა. პატარა კოლეგებს გვერდით ამოუდგნენ და მათთან ერთად დღევანდელი დღის სიხარული გაიზიარეს: ნანა ნიკლაურმა თავისი შესანიშნავი ხმით, თამაზ ნიკლაურმა თავისი მჭექავე პოეტური ხმით, გენადი გელაძემ საშემსრულებლო, განსხვავებული სტილის სიმღერით.

სამრეკლოს კულტურის სახლში გამართული საგაზაფხულო ღონისძიება, თანასოფლელებისა და ამჟამად ემიგრანტის, პოეტ მია ნიკლაურის შემოქმედებასა და მისი პირველი ლექსების

კრებულის - „მე დავბრუნდები“ პრეზენტაციასაც მიეძღვნა. ღონისძიების იდეის ავტორმა და ღონისძიების წამყვანმა კულტურის სახლის თანამშრომელმა, ნათელა ბეკოშვილმა, საზოგადოებას წიგნი „მე დავბრუნდები“ გააცნო, ღონისძიებაც მისი ლექსების გაცნობითა და მოგონებების გახსენებით გაგრძელდა. როგორც მისი წიგნის ეპილოგში ვკითხულობთ, „მია ნიკლაური თავისი ლექსებით ეხმიანება საზოგადოებას და საკუთარი გულის წადილს გაანდობს. რომანტიზირებას ახდებს მოვლენათა და ფაქტთა, გაანჩნია მძაფრი ნოსტალგია სამშობლოს მონატრებისა, გარდასულ დროთა პოზიტიურ და ნეგატიურ მხარეებზე საუბრობს ავტორი, ცდილობს, რომ ოპტიმისტი იყოს და განვლილი წლები ობიექტურად შეაფასოს. პატრიოტულ თემასაც ეხება, ასევე მეგობრობისა და თავისუფლების თემებზე სჩანს მის პოეზიაში. მია ნიკლაურის შინაგანი სამყაროს გამოხატულებაა მისი პოეზია, ისეთი უშუალო და ბუნებრივი თხრობის სტილი, რომ მკითხველი ალტკინებული მიჰყვება ავტორს ოცნებათა უსასრულობაში. სიყვარულის თემა იმდენად სათუთი და საინტერესოა მის პოეზიაში, რომ მკითხველი უსათუოდ იგრძნობს ავტორის შინაგან სამყაროს, დარწმუნდება იმაში, რომ სიყვარულითა და სიკეთით სავსე ადამიანი წერს ამ სტროფებს.“

ნიკლაურის წიგნიდან რამდენიმე ლექსის ამონარიდს:

„გამოაფხულდეს ნეტავი ძალი, სინამდვილე მერცხლის ბუდის გულს მიკლაფს.“

ბარტყების ცქერა აკლია თვალებს, მე მათი სუნაც, ბუმბულიც მიყვარს. ვიცი, ყოველთვის დაბრუნდებიან, გოგო შუქია და ბიჭი - მათი. ბუდეც წუთით არ მოსცილდებიან, მაინც ვწუხვარ და ღამეებს ვათევ. გადაფრენა და გადმოფრენები, გამოწამირება უცხო მხარეში... გადაძინებ დიქტო მერცხლები, ხოფათით საფე არეზარეში.

ბუდე უთქვენოდ არ დამჩნებს ნეტავ, გაზაფხულიც ხომ თქვენს ჭიკჭიკს მოაქვს.

თქვენი თვალებით სიცოცხლეს ვხედავ, თქმა ზამთარსაც თავისი დრო აქვს. არ დამეკარგათ, ჩემო მერცხლებო, დაბრუნდით, გული გამიხალსეთ, ვიდრე დააჭკობს ლოყას ცრემლები, მეც დაბრუნება, ბედო, მაღირსე!...“

„მე მიყვარს ჩემი პატარა მხარე, მთებით, ტბებით და ბარათი, ჭაობით, მომეცით ნება, რომ გაიხრათ რამე, გადამდილოებო, არარაობით.“


ამ ძნელ დროებს მრუდედ ვერგებით, არც თვითონ ცდილობს ჩვენთან მორგებას,

იმის ნაცვლად, რომ დაფრთხილდეს, ვაგრძელებთ ბოდმის, დარდის მოგებას. ჩაუჭაობდით და ყველა ჭაობი, ბოლოს სისხლისმძებელ წურბელებს ნიჭით,

ხოდა დადლილი არარაობით, გადააგვიდეთ ერთმანეთს მტრებად! მოდით, ახალი ვაჭები დაფრთხი, შექუქდით ზეცას რა ცისფერია, დიქტომა სამოსის ნაწილი გვარგო, რად გვინდა მეფე და იმპერია!“

„არა ვარ ლექსების ოსტატი, სიტყვებით არასდროს ვჯობაზობ... ვიცი, რომ არა ვარ პოეტი, მე მხოლოდ იმას ვწერ, რასაც ვგრძნობ.“

ჩემს პაპას მელექსე უწოდებს, მომწონს და ქართულსაც უსდება...“



მეც ლექსის ქალი ვარ, სიტყვები, სულიდან ამომიქუხდება!“

მია ნიკლაური თურქეთში, ქალაქ კარამურსელში ცხოვრობს და წლებია, იქ მცხოვრებ ქართველებს ქართული დამწერლობისა და ენის უკეთ შესწავლაში ეხმარება. „მარტოობისგან მგონი ვგიჟდები, არ ვიცი, ბრბოდან როგორ გავიქცე“, - ამბობს ერთ-ერთ ლექსში. „ვიცი, რომ საბოლოოდ მაინც საქართველოში დავბრუნდები, აქ ვერ იქნება ჩემი სამარე. ჩემს ფესვებს უფალი სულ მახსენებს, სიზმრებითაც კი.“ - უზიარებს თავის ფიქრებს მია ერთ-ერთ გამოცემას.

ავტორს ვუსურვებთ წარმატებას, შემოქმედებით ნინსვლასა და მკითხველის სიმრავლეს. მისი ლექსები გვაფიქრებინებს, რომ ეს მხოლოდ დასაწყისია და მისგან საინტერესო სიახლეებს მუდმივად უნდა ველოდეთ. სოფელ სამრეკლოსა და მის კულტურის ცენტრს მადლობას გადავუხდით ასეთი საინტერესო და ნიჭიერი პოეტებისა თუ შემსრულებლების წარდგენისათვის. ნიჭი არასდროს იკარგება, ის აუცილებლად იპოვნის თავის გზას. სწორედ ამ გზის პოვნას, შენარჩუნებასა და კეთილმონყობილ, ნოყიერ ნიადაგს გისურვებთ მომავალი ტრამპლინებისთვის.



## დედის დღე არგოშიკის საჯარო სკოლაში...

დედოფლისწყაროს მუნიციპალიტეტის სოფელ არბოშიკის საჯარო სკოლაში 3 მარტი აღნიშნეს. მოსწავლეთა მოტივაციის გაზრდისა და ენის უკეთ შესწავლის მიზნით, არბოშიკის საჯარო სკოლის უცხოურ ენათა კათედრაზე დაიგეგმა და განხორციელდა ღონისძიება დედის დღესთან დაკავშირებით.

VII კლასის მოსწავლეებმა მოიძიეს, დაამუშავეს და პრეზენტაციის სახით წარუდგინეს აუდიტორიას ცნობილი ადამიანების გამონათქვამები დედის შესახებ, რომელთა მოსმენაც სასიამოვნო აღმოჩნდა დამსწრე საზოგადოებისთვის. მათ ასევე გამოუშვეს კედლის გაზეთიც. ბავშვებმა მოინვიეს მშობლები და მათთვის დაამზადეს მისალოცი ბარათები. „სასიამოვნო იყო ინგლისურ ენაზე ამტყველებული მოსწავლეების მოსმენა და ნახვა. მათ უდიდესი სითბო და სინაზე გამოხატეს დედების მიმართ. დღემ წამდვილად სასიამოვნოდ ჩაიარა“ - აღნიშნა ინგლისური ენის პედაგოგმა ჯუნა ნატროშვილმა.

მერვე კლასშიც ჩატარდა დედის დღისადმი მიძღვნილი ღონისძიება. საზეიმო ფორმებში გამოწყობილმა მოსწავლეებმა მოწვეულ დედებსა და პედაგოგებს ინგლისურ ენაზე ლექსები და ლამაზი სიტყვები მიუძღვნეს, გააჟღერეს გამოჩენილი ადამიანების სხვადასხვა

ვა გამონათქვამები დედაზე. ღონისძიების ბოლოს დედებს მიართვეს საკუთარი ხელით დამზადებული მისალოცი ბარათები ინგლისურ ენაზე. მოწვეულ სტუმრებს მიართვეს ჩაი და ტკბილეული. ღონისძიება დამთავრდა სიმღერებით და ცეკვებით მშობელთა ჩართულობით. „2023 წლის 3 მარტი დარჩება ერთ-ერთ დასამახასოვრებელ დღედ მოსწავლეთა, მშობელთა და მასწავლებელთა ცხოვრებაში“ - აღნიშნა ინგლისური ენის პედაგოგმა ზოია ბატიაშვილმა.

გაზაფხულის დღესასწაულების აღნიშვნას უცხოურ ენათა კათედრაზე შეუერთდა და VII კლასში დასკვნითი ღონისძიება გამართა, რუსული ენის პედაგოგმა ლალი ყანჩაშვილმა. მოსწავლეები შემოქმედებითად მიუდგნენ ღონისძიებას, დაამზადეს კედლის გაზეთი, მოამზადეს ლექსები და სიმღერები, რომლებიც დედებს მიეძღვნათ.



„საინტერესო და ინფორმაციული გამოვიდა ჩვენი ღონისძიება, ბავშვები ძალიან აქტიურად იყვნენ ჩართულნი. ყველამ დიდი წვლილი შეიტანა ლამაზი ღონისძიების მოწყობაში“ - აღნიშნა პედაგოგმა ლალი ყანჩაშვილმა.

გვერდი მოამზადა შუშუნა ყანჩაშვილმა









# თემურ ჩალაბაშვილის „საუბარი გულთან“

ილია ჭავჭავაძის ლიტერატურის მუზეუმში გაიმართა თემურ ჩალაბაშვილის წიგნის „საუბარი გულთან“ პრეზენტაცია. ქიზიყელი პოეტის წიგნი გამოიცა ქვემო ქართლის სახელმწიფო რწმუნებულის ადმინისტრაციისა და მარნეულის მუნიციპალიტეტის მერიის თანადგომით. რედაქტორები: ედუარდ უგულავა, მათა მიქია, ტექნიკური რედაქტორი-თამარ შაიშ-მელაშვილი. წიგნის თავთუროცელზე დაბეჭდილია სრულიად საქართველოს კათალიკოს პატრიარქის ილია II-ის სიტყვა:

„თემურ ჩალაბაშვილი ჩვენი დროის გამოჩენილი შემოქმედია. სამშობლოსა და მოყვანის სიყვარულით გაჯერებული მისი პოეზია სულ სხვა ელფერს ატარებს. მისი ტკივილი და სიხარული სხვისი ტკივილი და სიხარულიცაა. ეს გრძობა ისეთი სიღრმითა და გულწრფელობით ეძლევა მკითხველს, რომ ადამიანი ამ განცდის თანაზიარი მამინვე ხდება.“

სიცრუით სავსე ჩვენს დროში ამის მიღწევა ადვილი არ არის. ღმერთმა დალოცოს ბატონი თემური და დიდხანს ამსახუროს სიტყვას. ღმერთს და ჩვენს ქვეყანას.“

სალამო გახსნა საქ.წიგნის დირექტორმა ლია მეტრეველმა. დამსწრე საზოგადოებას თემურ ჩალაბაშვილის წიგნი „საუბარი გულთან“ წარუდგინა და ყურადღება გაამახვილა შესავალში დაბეჭდილ ზაალ ბოტკოველის შთაბეჭდილ სიტყვაზე (წარმოთქმული მისი დაბადების 70 წლისთავზე) - „ბედნიერი ხარ, ნვა შეგიძლია“. გთავაზობთ ამონარიდს ამ სიტყვებიდან: „თვითონ იგი თავის სამშობლოს

ნააგავს. თითოეული ღარი, თითოეული ნაოჭი მის სახეზე იმ უბედურებისა და უსამართლობის შედეგია, რაც ჩვენს თავზე ნისქვილის დოლაბივით დატრიალებულა. მაინც ღირსე-ბითა და პატიოსნებით სავსე დააბიჯებს სა-თაყვანებელ მამულში...“

მის შემხედვარეს სულ მეჩვენება, რომ მის არსებაში რამდენიმე ადამიანის სულია დავა-ნებული. ჩააცვით ნითელი პერანგი და მამინ-ვე დაინახავთ მდინარეში ასხმარტალბულ ნიკლას ლოქოს.

ჩააცვით გიჟის პერანგი და დაინახავთ, თუ რა წყნარია შემოდგომის საღამო, რა ლა-ლად და დაუნდობლად გადაფრინდება ერთი ხიდან მეორეზე დაბუა ჩიტი.

დაადგით თავზე ეკლის გვირგვინი და მისივე მის დალოლ მხრებზე ქედნებს დაი-ნახავთ, ტუბილად მოლულენ ქედნებს.

თემურ ჩალაბაშვილი საქართველოს ჭი-რისუფალია. ასეთი კაცები ძალიან სჭირდება საქართველოს“...

გულშიაწმინდობი გახლდათ საქართვე-ლოს მწერალთა კავშირის თავჯდომარის, რუსთაველის პრემიის ლაურეატის მამუკა-ლა ბონაშვილის, კოლეგაზე, მწერალთა კავშირის თანათავჯდომარეზე საუბარი. მან ილია ჭავჭავაძის პრემია და ოქროს მედალი გადასცა სამშობლოს სიყვარულით გულან-თებულ პოეტს და ასპარეზი დაუთმო თემურ ჩალაბაშვილს თავისი უსაყვარლესი ლექსით „ჩემო საქართველო, მართლმადიდებლო!“ სამარისებურ სიჩუმეში ისმოდა პოეტის მიერ ნაკითხული ლექსები: „სანთელი“, „როცა

ქართველი“, სამასი წლის მეფე ერეკლე“, „წი-წინდალი“ და სხვა.

სალამოს ფონად გასდევდა თემურ ჩა-ლაბაშვილის ახალგაზრდა მეგობრების მიერ შესრულებული ხალხური სიმღერები.

სიმღერებს სცვლიდა ლექსი „ექსპრომტად იაგო გოგრიჭიანი“

კაცი არ დანია კინაღამ, პატყვი ვის არ მიაყო, მუდამ დაბიდან დაბიშა გოგრიჭიანი იაგო.

ნახვ და კიდევ ინატრებ, იტყვი ყოველდღე მანქანა მისი კაცური დამილი და დაუდღელი მარჯვენა. მშობისთვის დაბადებული ალალი გულის მზარჯველი, წყენი მია, წყენი იაგო.

დადი „ქართველი, რაჭველი!“ კომენტარი ვთხოვე მის უახლოეს მეგო-ბრებს:

ჯუმბა ლებელი - „პოეზია უპირველეს ყოვლისა. თემურ ჩალაბაშვილი საქართვე-ლოს ჭირისუფალია და მისი პოეზია ცქვეყნის ბედზე ზრუნვითა შთაგონებული“...

ბებია ბებიაშვილი - „მე თემურ ჩალაბა-შვილზე ასე ვიტყვი - ის მუდამ ატარებს გულის სიღრმეში დაბნულ კავკასიონის ხა-ტებს, რომელმაც მშობლიურ ძველ ანაგამი, ბავშვობიდან მამის ბეჭებით გადაზომა:

თუ შენ მიდიან ბიჭები, თ. რა კაცები, რამაქანი, შამამხვდებიან იჭყებით



ზოგნ წოვან და ზოგნ ჩადმანი. სულ სხვანაირი მდელთა ზეციდან გადმოსახადი. იქ ძველი საქართველოა და მშობლიური კაცეთი!...

აქვე მინდა განსაკუთრებული მადლობა გადავუხადო გელა ბექაურს, რომელმაც რა-მდენიმე წიგნი იყიდა.

მარიამ პოპინაშვილი - თემურ ჩალა-ბაშვილი არა მარტო საუკეთესო ლირიკოსია, არამედ საუკეთესო თამადა, როდესაც ჩემი ნათლის ნანა მერაბიშვილის და მამიდის სვეტლანა შალვაშვილის საღამო გაიმართა დედოფლისწყაროს ხელოვნების სკოლის სა-კონცერტო დარბაზში, იგი ამ საღამოზე ჩამო-ბრძანდა ბ-ნ ზაალ ბოტკოველთან ერთად და გარდამავალ პერიოდში სკოლის საუკეთესო დირექტორები: ნანა მერაბიშვილი და სვეტ-ლანა შალვაშვილი გოგებაშვილის პრემიით დააჯილდოვა, ეს დღე მე არასოდეს დამა-ვინცდება. სულ ახლახანს 70 წელი შეუსრულ-და სამშობლოზე უსაზღვროდ შეყვარებულ მგოსანს. დღევანდელი მშენებლობის ვუსურვებ ბატონ თემურს!

ნანა ჭიჭინაძე

## ფრენბურთის გუნდის წარმატება

დედოფლისწყაროს ფრენბურთის გუნდმა პირ-ველი ლიგის პირველ ეტაპზე ჯგუფში პირველი ადგილი მოიპოვა. როგორც „შირაქს“ სპორტის ცენტრში განუცხადეს, ფრენბურთელებმა ძლიერი მონინალმდეგეები დაამრცხეს და საკმაოდ ეფექ-ტურად იასპარეზეს. პირველ ლიგაში ასპარეზობის უფლება მათ მას შემდეგ მოიპოვეს, რაც რამდენიმე კვირის წინ ლაგოდეხი დაამარცხეს.

შეჯიბრებების განრიგი: დედოფლისწყარო - ლაგოდეხი 3-1; დედოფლისწყარო - გარდაბანი 3-1; დედოფლისწყარო - ყვარელი 3-1; დედო-



ფლისწყარო - თიანეთი 3-1; დედოფლისწყარო - თელავი 2-3; შემდეგი ეტაპი აპრილში გაიმართება ქ. თბილისში.

როგორც გუნდში „შირაქს“ ეუბნებიან, თელა-ვთან წაგების მიუხედავად გუნდმა მაინც მაღალი ქულები მოაგროვა.

„ეს იყო ჯგუფური ეტაპი, ყველა ქალაქი ერთ-მანეთს ხვდებოდა. ყველაზე მაღალი ქულის მქო-ნე ორი გუნდი შემდეგ ეტაპზე გადავიდა. ჯამურ-ი მიონაცემებით დედოფლისწყაროს 13 ქულა ჰქონდა, გარდაბანს 12, ამიტომაც ეს ორი გუნდი გადავადვით. დაახლოებით ერთ თვეში ჩატარდება შემდეგი შეჯიბრი. სულ 8 გუნდი იქნება ფინალ-ში და თუ წავაგეთ, გამოვითიშებით. ვერ გეტყ-ვით, რატომ გაგვიჭირდა თელავის დამარცხება. ძალიან კარგი თამაში იყო, მაგრამ თანაც მოთა-მამემ ტრავმა მიიღო ბოლო ქულეზე და ყველა-ფერმა იმოქმედა. მონინალმდეგეც კარგად თამა-შობდა.“ - აღნიშნავს ნიკოლოზ ჯინაშვილი.

გუნდის წევრებს და კაპიტანს გიორგი კოდიამ-ვილის კიდევ რამდენიმე კვირა აქვთ შემდეგი ეტა-პისთვის მოემზადონ და კვლავაც გამარჯვება იზეი-მონ.

## ილია ჩოხელი უკრაინაში მიმდინარე ომში დაეცა



უკრაინაში დაიღუპა 23 წლის ვანო (ილია) ჩოხელი, რომელიც ხარკოვიდანაა და 1 წელზე მე-ტია რუსეთ-უკრაინის ომში იბრძოდა. მას ბავშვობაში დედა გარდაეცვალა, რის გამოც ერ-თხანს მამასთან დედოფლის-ყაროში იზრდებოდა და სოფელ ზემო ქედის სკოლაშიც სწავ-ლობდა. შემდეგ კი ხარკოვში დაბრუნდა და სამხედრო განათ-ლება მიიღო.

„ილია ჩემი შვილის ერთა-დერთი ვაჟი იყო. უმძიმესი ამბავია ჩვენთვის, მაგრამ სამ-შობლოსთვის ომია იქ და ასეც ხდება. რაც ომი დაიწყო, იბრ-ძობდა. რამდენჯერმე ვთხოვეთ წამოსულიყო, მაგრამ უარს ამ-ბობდა. ზოგჯერ ვერ ვუკავშირ-დებოდით და მის ამბავს, იქ მეოფი მისი ქართველი ნათლია გვატყობინებდა. გარდაცვალე-ბის ამბავიც მან გაგვამხილა. ჩემი შვილი ჩავიდა და იქ დაკრ-ძალეს. ომი რომ დამთავრდე-ბა, იქნებ გადმოვასვენოთ და

საქართველოს მიწაზე დაიმარ-ხოს“- ამბობს უშანგი ჩოხელი.

როგორც დაღუპული ბიჭის პაპა ჰყვება, ილია ჩოხელი ხარკოვში დაიბადა და სა-ქართველოში 4 წლის ასაკ-ში ჩამოიყვანეს. „ჩემი შვილი სწავლობდა ხარკოვში, იქ და-ქორწინდა უკრაინელ ქალზე. ოთხი წლის იყო ილია აქ რომ ჩა-მოიყვანეს. 14 წლამდე ზემო ქე-დის სკოლაში სწავლობდა, მერე თბილისში გადავიდნენ. დედა რომ გარდაეცვალა, ხარკოვში წავიდა ბებია-პაპასთან და სა-მხედრო სასწავლებელში სწავ-ლობდა. საოცარი მოძრავი და ცოცხალი ბიჭი იყო. ზუსტად რა ვითარებაში დაიღუპა, არ ვიცი. ეს ვიცი, რომ 200 კაცში სულ ორი გარდაიცვალა და ერთი ჩვენია“- ყვება უშანგი ჩოხელი.

ვახუტე „შირაქის“ რედაქცია თანაგრძობას უცხადებს უშან-გი და ზაზა ჩოხელებს და ქეთევან ქომისტელს.



ბებია ქეთევან ქომისტელი, პაპა - უშანგი ჩოხელი, მამა ზაზა ჩოხელი, ბიძა ზურაბ ჩოხე-ლი, ბიცოლა - ნონა ბრაჭულიშვილი ოჯახებით იუნყებიან

**ვანო (ილია) ჩოხელის** გარდაცვალებას

სოსო და ლია ხაჩიაშვილები, პაატა და ავთო პატაშვილები, მათა და მანანა ჩოხელები, გოგი და თემურ ქომისტელები ოჯახებით იუნყებიან უახლოესი ნათესავის

**ვანო (ილია) ჩოხელის** გარდაცვალებას და თანაგრძობას უცხადებენ ოჯახს.

ნიანი ჯანაშვილი სამიძიარს უცხადებს ქეთინო, ნელი და თა-მაზი ნატროშვილების ოჯახებს მეუღლის, სიძის **ბიჭი ალადაშვილის** გარდაცვალების გამო.

## ქიზიყელ გლეხკაცს უჭირს

ამას წინად გამოცხადებული გეგონდა, რომ ბაქოელ ქართველებისგან შირაქში ცეცხლით დაზარალებულთა სასარგებლოდ მივიღეთ ზუთი თუმანი. ახლა კიდევ მოგვივიდა იმათგანვე რვა თუმანი. შესდგა 13 თუმანი.

წრეებრივი წელი არასასიამოვნო იყო ქიზიყე-სათვის. არა მგონია ეს წელიწადი ვინმე მოიგონოს კიდევ, თუ მოიგონებს, ლანძღვა-ვიწყობთ. ვერ კალიამ გაანადგურა ხალხი. როცა სხვა კუთხეში მინდვრად მუშაობდნენ, ჩვენ კალია გვეჭირდა თავში საცემად გა-მხდარი. 70-100 ვერსზედ სახლკარს მოშორებულ-ნი ქიზიყელნი კრიჭაში ედგნენ ამ საზიზღარ მწვერს და ჭირნახულის განადგურების ნებას არ აძლევდნენ.

გაზაფხულის სიმინდისა და ფეტვის თესვა ვეღარ მოასწრეს. ვენახებიც შეუმუშავებელი დარჩათ. კალიას გადარჩენის თავიანთი ჭირნახული, მაგრამ ამისთანა გადარჩენა მაინც არ გადარჩენასთან იხსენიება. ახლა სხვა მტერი შემოსულიყო, ხელიც და თავიც. ისე წაახდინეს მოსავალი, სადაც დღიურზე ოცი ათეული ძნა მოსავალი გამოდიოდა, ახლა 5-6 ათეული ძლივს გამოდის. ზოგი საერთოდ ვეღარას გამოიჩა. ამასაც აღარ დასჯერდა და ყველა ეს უბედურება ცეცხლით დაავიკრებინა. 19 წარსულს ამ თვისას, გავარდა ხმა, შირაქი იწვისო. დაწიოდა ქიზიყის ხალხი, დიდ-პა-ტარა გაეშურა. მთელი შირაქის მინდვრები ცეცხლს მოეცვა. ცეცხლი მოჰკიდებოდა ათი ვერსის სიშორით იმ ადგილისა, სადაც მძებ ოთარაშვილებს ნავთის ქარ-ნები აქვთ. აღმოსავლეთიდან გამოჰყოლოდა, რადგან ქარი უჭირდა. აღმა ზემო მარხანელთა კალოებამდის მოაღწია, სადაც 44 ამ სოფელთა კალია გადასწვა, საბძლები, გასაღწი ძნა და გაღწეული ხეაგები. დაიწვა მრავალი ქვეშაყვები და ტანისამოსი, ორმოცში ნაყარი პურიც, რადგან ძლიერი ცეცხლის დანახვაზე ზოგ პატრონი ორმოცში ჩაყვარა ტანისამოსი და მრავალი სხვა ავეჯეულობაც, იმ აზრით, ვითომც იქნება გადავარჩინოთ. დამურთხალი ხალხი კალოებიდან

იქვე ფეტვებს შეეფარა, რომელიც სინდლის გამო გადარჩა, მაგრამ 2-3 დღისაღინა აქაც ინაცვალა. სა-ქიხელი, რომელმაც გამოსვლა მოასწრო გადარჩა, რომელმაც ვერა, ცეცხლმა შთანთქა. მარხანელების კა-ლოებიდან ცეცხლი ორად გამოჰყოლია და მოსულა ერთის მრით ენას მოამდის, მეორეს მხრით კასრის წყაროდის (საძოვრება). დაიწვა ცხვირის ბინებიც, 15 თუმისა და 7 ზემო მარხანელებისა. ცეცხლმა იმუშავა 22 ივლისამდე, ანუ სამი დღე. გარდა მარხანელებისა, სხვა სოფლებისაც 80 ვერსამდე. ცეცხლი გააქრეს მუშებმა, რომლებიც გაყვანილ იქნნენ მთელი ქიზიყიდან ორი ათასამდე.

ამრიგად, ქიზიყს ბევრ რიგად მისცა ზარალი, სა-ქიხელს საძოვარი მოესპო, ზამორისთვის თივა აღარ არის, საქონელი შიმშილით ამოწყდება. 44 კომლი ზემო მარხანელებისა და დანარჩენი ელენები, ხელ-მოკლეობისა გამო ისევე მინდვრებზედ ედგათ აულელები ძნა, პირში ჩალა გამოვლებულნი დარჩნენ. ამას დაუ-მატეთ ის კომლები, ვისაც საკუთარი კალი-საბძელი არ გააჩნდა და მარხანელებთან იყვნენ შეკედლებულნი, იქ უპირებდნენ სარჩოს სხვის კალოზე გაღწევას. გულ-ხელ დაკრფილი დაზარალებულნი დასტრინან დაწვეარ ჭირნახულს. ზარალი აუარებელია, ზოგნი 40 000 მანეთამდე ამბობენ, ზოგნი მეტსაც.

კარგს იზამდა გულკეთილი ქართველობა, რომ და-ზარალებულებს მცირე დახმარებას აღმოუჩენდეს და ზარალს შეუმსუბუქებდეს. უკეთუ ეს ვერ მოხერხდეს, უფასოდ მაინც დაუთმო ვისგანაც ვერ არს სახელ-მწიფო ხე-ტყე, ცოტა მაინც შეუმსუბუქდეთ დაწვეარ-დაბუებული კალი-საბძლებისა და ცხვირის ბინების ხელახლად აშენება. სხვის ხელ დაუხმარებლად დაზა-რალბულნი ათ წელშიაც ვეღარ გაიმაგრებენ წელს, რომ ძველ ღონეზე დადგნენ.

1892 წელი, 29 აგვისტო






# ქეთი ბენაშვილის გამოფენა – „მე განსვლა“




თბილისში „გალერეა 9“-ში დედოფლისწყაროელი მხატვრის, ქეთი ბენაშვილის პერსონალური გამოფენა გაიხსნა. „მე განსვლა“ ქეთი ბენაშვილის ავტობიოგრაფიული გამოფენაა, რომელიც ისეთ შრეებში გვამოგზაურებს, რომელსაც ზედაპირზე გარემო ფილტრავს, ფანტავს და არ აჩენს. სამი წლის განმავლობაში შექმნილი ორი სერია „შრეები“ და „მნიშვნელოვანი გადაწყვეტილება“ მთლიანად ასახავს რადიკალურად განსხვავებულ ქეთი ბენაშვილის მიკროსამყაროს.

ქეთი ბენაშვილი სოფელ სამრეკლოდანაა, თავდაპირველად დედოფლისწყაროს სამხატვრო სკოლა დაამთავრა, შემდეგ კი 2017-19 წლებში მოსკოვის სახელმწიფო სამხატვრო ლიცეუმში გობელენის ფაკულტეტსა და სამხატვრო აკადემიის გრაფიკის მაგისტრატურაზე სწავლობდა. შემდეგ პანდემია და ჩაკე-



ტილობა დაიწყო, რაც ნაყოფიერი აღმოჩნდა მისი შემოქმედებისთვის.

**ქეთი ბენაშვილი:** „არ მასხოვს, როგორ დაინტერესდი ხატვით და რამ მოახდინა ჩემზე გავლენა. ასე მე-5-მე-6 კლასში დედოფლისწყაროში დაინწყე ხატვის სკოლაში სიარული. ყველაზე მეტად ეს საქმე მაინტერესებდა... ყველაფერი, რაც ხელოვნებასთანაა კავშირში. ეს შენს შიგნით თუა, შემდეგ ყველაფერი ბუნებრივად ხდება. ეს სფერო ჩემთვის ერთგვარი თვითგამოხატვის საშუალებაა, როგორც ალექსანდრე ბლუმიც გარესამყაროს, რასაც ვგრძობ, რაზეც მაქვს რეფლექსია... ასე, უკეთ გამოვლინდი... ჩემს სანათესაოში არაფერს ხატავს, დედაჩემი - ნინო ბურდული ხელოვანია, კოლეგა „ისში“ თექას ასწავლის, ის ბავშვობიდან ყველაზე ნაირად გვერდში შედგა. თქვა მეც ვცადა, მაგრამ მივხვდი, რომ ჩემი მასალა არ იყო და სხვა კუთხით წავედი. აღმოვაჩინე, რომ უფრო ხეთითა და ნახშირით მუშაობა მირჩევნია.“



– როგორ გაჩნდა გამოფენის იდეა?

– ეს გალერეა შემოდგომაზე ვნახე, სივრცე ძალიან მომეწონა და გალერისტს ვთხოვე ჩემი პერსონალური გამოფენა დაგვეგეგმა. ოცამდე ნამუშევარი გამოვიტანე, რომელიც ბოლო სამ წელშია შექმნილი და ორ თემად დავყავი. გამოფენა მხოლოდ ჩემს ემოციებს არ გამოხატავს, აქ მოსული დამთვალიერებელი შეძლებს საკუთარ შრეებში ჩავიდეს და უკეთესი მე მოძებნოს. ჩემი აზრით, ლაკონური სტილი მაქვს, მინიმალისტური, ფერებსაც

შეზღუდულად ვიყენებ, ვიდრე ფერწერაშია მიღებული. გრაფიკოსი ვარ და ეს ყველაფერზე აისახება.

– ვისი წვლილია თქვენი შემოქმედების განვითარებაში?

– გამოვარჩევ დედოფლისწყაროს ხატვის სკოლის როლს ჩემს ცხოვრებაში, თავისი პედაგოგიური და ღირებულებით, აკაკი მერაბიშვილით. ხთვის ბიკაშვილი მასწავლიდა, ირინა იაკობიშვილი. ძალიან საინტერესო იყო ეგ წლები და ყოველთვის კარგად მახსენდება. ჩემს ნახატებში ნითელი, შავი, თეთრი უფრო ჭარბობს. როცა განწყობა მოდის, მხოლოდ მაშინ ვმუშაობ, რასაც აკეთებ გულწრფელი უნდა იყო, სხვა შემთხვევაში ეს ნამუშევარს აუცილებლად დაეტყობა. უბრალოდ მანამდე ინფორმაცია, ან განწყობა გროვდება, მერე ხდება ტილოზე გადმოტანა, ხან წინასწარ იცი რა გამოვა, ხანაც ფინალში საერთოდ სხვა შედეგი და შინაარსი გამოდის.

ეს ჩემთვის შემოქმედების ნარდგენის პირველი შემთხვევა არ არის. პირველი გამოფენა 2018 წელს მქონდა „თბილისი ბანკის“ სათაო ოფისში. წინა წლებში რამდენიმე ჯგუფურ გამოფენაშიც მივიღე მონაწილეობა. მოყვარულის დონეზე ფოტოგრაფიაც მიტაცებს. მოგზაურობა მიყვარს და ამ დროს ვიღებ ფოტოებს. ბევრს ვმოგზაურობ, ვკითხულობ... სხვაგან ბოლო რამდენიმე წელი აღარ მიმუშავია და მთლიანად ხელოვნებას ეთმობა ჩემი დრო. ჩემი მშობლები ახლაც სოფელ სამრეკლოში ცხო-




ვრობენ და საკმაოდ ხშირად ჩამოვიდები. ხშირად სოფელში ყოფნის დროსაც ვხატავ, მაქვს ქიზიყში შექმნილი პეიზაჟებიც. დედოფლისწყაროში ფოტოებსაც ხშირად ვიღებ. სახელოსნო სახლში მაქვს... მასალას რაც შეეხება გააჩნია, რა თემატიკა... ზოგი ტილოს და ზეთს ითხოვს, ზოგი ნახშირს, ზოგი მუყაოს და აკრილს, ან შერეულ ტექნიკას.

– როგორ ფიქრობ, მხატვარს რამდენად შეუძლია საკუთარი პროფესიით იცხოვროს და შემოსავლისთვის სხვა საქმე არ ეძებოს?

– გააჩნია, საქართველოში ადვილი არაა, თუმცა არც შეუძლებელი. გალერეა აპოლოში 2015 წლიდან ინტენსიურად იყიდება ჩემი ნამუშევრები, აქტიურად ვთანამშრომლობ მათთან. უამრავი ნამუშევარია კერძო კოლექციებში როგორც საქართველოში, ისე საზღვარგარეთ.

ილია მარტყოფლიშვილი



## მადლიერება

14 მარტს ჩემს დას, რომელსაც ჯანმრთელობის პრობლემები, უკვე წლებია აქვს, მდგომარეობა გაუუარესდა. სასწრაფო დახმარება რომ მივმართე, ოპერატიულად მოვიდნენ. ადგილზე ექიმმა მათი ბეგიაშვილი გასინჯა. პაციენტი კრიზისულ სიტუაციაში იყო, ამიტომ აუცილებელი გახდა მისი საავადმყოფოში გადაყვანა. ერთი კვირის განმავლობაში ყურადღებას და მზრუნველობას არ აკლებდნენ ჩემს დას, უმკურნალეს და სახლში გამოწერეს. გვიანდაც მადლობა ვუთხრათ სასწრაფოს ეკიპაჟს: ექიმს მათი ბეგიაშვილს, ექთანს ხატია ჯინაშვილს, მძღოლს ვაჟა ხარაშვილს. საავადმყოფოს დირექტორს, ხათუნა აგლაძეს და მთავარ ექიმს, ვანო ნატროშვილს. მიმღებებს ექიმებს: ეკა მანაგაძეს, იამზე ბალაშვილს, ექთან ესმა დათუკიშვილს. რეანიმაციული განყოფილების ექიმებს ვასილ გონაშვილსა და მერაბ კუტიბაშვილს, ექთნებს: აქსანა კრავჩენკოს, თამარ ჯამასპიშვილს, ეკა გოგილაშვილს, ლალი ფიროსმანაშვილს. სანიტრებს: ნონა ბილაშვილს, მათა ნატროშვილს, ირინა ზორილაძეს, დალი მირუაშვილს, ლეილა ჩალაბაშვილს, მარინა ბოსტოლანაშვილს, თინა შოშიაშვილს და ალისა ჩერნოვას. დიდხანს ყოფილიყვნენ ჩემი ჯანმრთელობის სადარჯჯოზე.

პატივისცემით, და ლუიზა ზურაბიანი, დისპეიზი ქანკაძე, ოჯახში, დისპეიზი მასია ჯამოციანი, ოჯახში, ნია ხუჭუა ოჯახში, მარი მარტყოფლიშვილი ოჯახში.

## ულოცავენ!

### ნინო ანანიაშვილს!

უდიდესი პატივისცემით და სიყვარულით ვულოცავთ მსოფლიო პრიმა ბალერინას, ქალბატონ ნინოს დაბადების დღეს, 19 მარტს. საუკეთესო სურვილებით, საზღვრისპირა დედოფლისწყაროს ილია ჭავჭავაძის სახელობის მნიგნობართა ასოციაციისა და 85 წლის გაზეთი „შირაქი“

## იყიდება

გერმანული, ყავისფერი პიანინო „როინიში“ ქ. დედოფლისწყაროში. ფასი 1500 ლარი მსურველებმა დარეკეთ: 599 35 76 97

## გუნდური თასი საქართველოს ჩემპიონატზე

დედოფლისწყაროს უშუს გუნდი ქვეყნის მასშტაბით საუკეთესო შედეგებს ხშირად დებს და წარმატებებითაც გვანებიერებს, თუმცა ამჯერად შეძლეს საქართველოს გუნდური თასი კიდევ ერთხელ მოეგოთ. საქართველოს თასზე დედოფლისწყაროს უშუს გუნდმა პირველი ადგილი დაიკავა, 10 თასი და ოქროს მედალი ჩამოიტანეს, რის გამოც ჩემპიონები გახდნენ: **ლუკა ლიქოშვილი, ირაკლი ყოჩიაშვილი, ომარ ჩაღოშვილი, ნიკა ნიკლაშვილი, საბა გუთხუაძე, გივი გოგიტაშვილი, ნიკოლოზ ხარაზიშვილი, ლავით გუაბია, ვალერი ყოჩიაშვილი, იოსებ ყაბანაშვილი.** მეორე ადგილი: ნიკოლოზ არაბული, გიგა პოპიაშვილი, გიორგი ყოჩიაშვილი, გურამ გოგაშვილი, გიორგი თარაშვილი, თაზო ლვინაშვილი, გიორგი ნიკლაშვილი, ვაკო ბექაური მესამე ადგილი: **ლუკა ლეკაშვილი, ლუკა ყოჩიაშვილი, ნუგზარ ჭრელაშვილი, გიორგი დინგაშვილი, რობერტი ისაყვი, ნიკა ჯალიაშვილი, გიორგი ქართლელიშვილი, ოვანეს ოვანესიანი, საბა ბოჭორიშვილი, დავით ქადაგიძე.**

ეს შედეგი და მოახერხა, ყველაზე ნაყოფიერი ბრძოლები ეჩვენებინა. ეს შედეგი ჩვენთვის სხვა მხრივაც რეკორდულია, 12 წლის განმავლობაში ამდენი მედალი ერთ შეჯიბრზე არასდროს აგვიღია. კარგად იასპარეზა ნიკოლოზ ხარაზიშვილმა, მთლიანად დაძაბული ფინალური ბრძოლა ჰქონდა, საკმაოდ ძლიერ მეტოქეს შეხვდა. ასევე ლუკა ლიქოშვილს და დავით ბუაძეს გამოვარჩევ. ახალბედა სპორტსმენებიც ძალიან გვეიმედებინა და საკმაოდ მონდომებით ვარჯიშობენ. დიდი მადლობა მინდა გადავუხადო დედოფლისწყაროს მუნიციპალიტეტის მერიას გვერდში დგომისთვის და ამ შედეგების დადგეში დახმარებისთვის! – აღნიშნავს მწვრთნელი, **გიორგი ცისკარაული.**

ჩემპიონატის შემდეგ უშუს ფედერაციამ დედოფლისწყაროს გუნდს საჩუქრად 3000 ლარის სპორტული ინვენტარი გადასცა.

ილია მარტყოფლიშვილი



ამინდი		დედოფლისწყარო		საბურთალო		თბილისი		მთიანეთი		კვირი	
ორშაბათი 27.03	სამშაბათი 28.03	ორშაბათი 29.03	სუთშაბათი 30.03	პარასკევი 31.03	შაბათი 01.04	კვირა 02.04	ორშაბათი 27.03	სამშაბათი 28.03	ორშაბათი 29.03	სუთშაბათი 30.03	პარასკევი 31.03
დღე	ღამე	დღე	ღამე	დღე	ღამე	დღე	დღე	ღამე	დღე	ღამე	დღე
18°	8°	18°	7°	19°	3°	9°	-3°	10°	0°	14°	2°
☁	☁	☁	☁	☁	☁	☁	☁	☁	☁	☁	☁

გამომცემელი შპს „შირაქი“  
 დირექტორი ნინო შიოლაშვილი  
 რედაქტორი ილია მარტყოფლიშვილი  
 სარედაქციო კოლეგია: შუშუნა ყანაშვილი (ყურნალისტი); ელზა ხარაშვილი (სტილისტ-მენეჯერი); ხათუნა ბენაშვილი (კორექტორი); ნათელა ბოსტაშვილი (ბუღალტერი); ნინო ჯანაშვილი (ოფის-მენეჯერი); მზინა ქანკაძე (საქმის მწარმოებელი).  
 გაზეთი აიწყობა და დაკაბადონდა „შირაქის“ კომპიუტერულ ბაზაზე.  
 ყოველკვირეული გამოცემა იბეჭდება შპს „კოლორ პრესის“ სტამბაში.  
 რედაქციის მისამართი: ქალაქი დედოფლისწყარო, ფიროსმანის №18, ☎ 0 356 22 22-85; 598 72-18-72 (დირექტორი) 593 275-275 (რედაქტორი)  
 რეგისტრირებულია დედოფლისწყაროს რაიონის სასამართლოს მიერ, № 6 014-468.  
 გაზეთის გამომწერა წელიწადში – 20 ლარი